

Hylli i Dritës

Ubi Spiritus Domini, ibi libertas.

(II. ad Cor. III. 17).

1. Vepra e shtetit e inicjativa private	Fq. 57
2. Pak fjalë mbi drejtsinë	„ 62
3. Shinime estetike. — <i>Mbi natyrë t' Artit</i>	„ 67
4. Lahuta e Malcís — <i>Gusija</i>	„ 76
5. Natyra në poezi e në muzikë	„ 85
6. Shqypnija katolike në vjetë 1671	„ 89
7. Per „visarin kombtár“	„ 95
8. Mirðita	„ 101
9. Biblioteka e „Hyllit“	„ 104
10. Quo Vadis...? — 14.	„ 105

POSTA E JONË

PAJTIMTARVE :

✎ Atyne pa k pajtimtarve qi enë nuk e kan pa-
gue vjetin 1932 U lutena me u ndreqë sá mâ parë
me administratë t' onë, masi as per ta nuk âsht
burrni me U dá shokësh.

✎ Ata qi nuk e kthejn ket numer, njehen të pajtuem e de-
tyrohen me pague pajtimin.

Shkoder : L. V. E kemi mârrë para sÿsh letren t' Uej e
në mâ të paren rasë qi të na ndollë, do të mundohemi me U a
çue në vend ðishirin.

Korçë : Fl. „Gaz. e K.“ Nuk âsht e para herë, qi U a ðer-
gojm të Perkohshmen t' onë : U lutemi prandej të na e ktheni
edhe Ju porsi *shndrrim* Fletoren t' Uej.

Korçë : K. C. Morem me kohë pajtimin : U falena nderës !

Tiranë : Riv. „V. e R.“ Kena mârrë të Perkohshmen e vo-
gel edhe letren : per ket herë nuk patem vend per shenim.

Tiranë : Kap Ll. U kemi ðergue, si mas ðishirit, të gjitha
vjet : a i keni mârrë ? Per shka na keni ðetyrë, keni me i ndëjë
vendimit të Redaktorit t' onë.

Tiranë : K. B. U lutemi me na shkruet per numra, qi U
mëngojn e kemi me U a ðergue.

Bari : Fl. „Gaz. Shqip.“ E kemi mârrë që në fillim të vje-
tit Fletoren t' Uej, veç U lutemi me e kontrolue e me e qortue
ðrejtimin.



VEPRA E SHTETIT E INICJATIVA PRIVATE.

BIBLIOTEKË
N. H. REÇI

«Si jeni në Shqyprí me iniejativat private, me shoqni e rrethe tjera vepruese në ket veshtrim?» -- Kshtu më pvette nji i hueji, tue dashtë me pasë dijeni mbí gjejen kulturele të vendit t' onë.

M' u bâ se më preu me ket fjalë, e me gjithse n' at rasë e ndjeva mbrenda vetit të tanë randsín e ksajë mungesë nder né, — gati si tue dashtë m' u pergiá malcorvet e katundarvet kúr bín ngusht, ashtu u vûna me i permendë, disi neper dhâmë, êmnin e ndo 'i shoqnije, bashkpunimin e disá ortakvet, tue shtue se, na nuk patem kúr të bâheshim të zott me mârrë iniejativa e me formue shoqni të mdhá vepruese si bâhet nder popuj, qi njehin me dheta miljonash frymë e gzojn nji kulturë pësë-gjashtë herë shekullore.

Xû aj at herë me më shtrve marë e marë aktivitetin e pa shoq të zhvilluem nder shtete të ndryshme t' Europës neper iniejativen private prej anës së shoqnvvet, e, por në Germaní, vetun nder rrethe të katolikvet, më njehi mâ se tri-dhetë shoqni private vepruese me programe e qellime shkence, edukate e bâmirsije.

Kundrejt ksajë vepre vigane t' iniejativës private nder të tana lamijet e jetës, si zhvillohet me aq dobí nder vende të gjytetnueme, nji Shqyptarit, i cilli kupton shka ásht jeta vepruese, jeta kulturele e shoqnore, nuk ká si mos me i u çue zemra peshë, si mos me i livrue gjaku, e tue rrfye bindjen e vet per sá veprohet në botë në lamen shoqnore prej fuqive private, por të bashkueme më nji, permadhshem e me nji lakmí ideale, pvetë vetin: kúr e si na Shqyptarët do të mrrijm me i ndí në shpírt nevojët e perbashkta, e me fuqí e iniejativa

